

—Ugari diran sasi-profeta guzurtien artean, itxaropenari bideak erraztea eta zuzentzea iragarriko deusku-
en egiazko profetak sortu daitezcan, *eskatu deiogun Jaunari*.

—Gaisoen ondoan euren bizitzea arriskuan jarritz diharduenek esker ona jaso daien, eta hareen eskeintzak arauak betetera eroan gaiezan, *eskatu deiogun Jaunari*.

—Gure norkeriak eta arinkeriak bidean oztopo dira. Kentzen ahalegindu gaitezcan badatorrenari bidea errazteko, *eskatu deiogun Jaunari*.

† Gure otoitz apalak entzuten dozuzan Jainkoa: emoiguzu uste ona alkarren ona baino bilatu ez daigun. Jesu Kristo...

Jaunartzerako

Zatoz, Jauna, zatoz lurrera zure herri hau salbatzera.

· *Bakea ta justizia bialdu mundura, Jauna;
zure jaiotzak gugana bekar poza, zoriona.*

· *Okerretatik zuzendu, gaitz bideetatik aldendu,
gure kateak apurtu (urratu), bide ilunak argitu.*

· *Gorroto-bideetatik aldendu gagizuz, Jauna;
alkar parkatu dagigun emoiguzu maitasuna.*

Amaieran

Danen onerako bakotxak ere zeozer egin behar dogu izurrite aldi hau ahalik eta laburrena izan daiten. Otoi-tzean bilatu daigun aste honetan bidetik ze oztopo kendu geiken eta zer zuzendu danon osasun-egoereak argi egin daian.

ABENDUALDIKO II. DOMEKEA "B"

Sarrera oharra

Senideok: ondo etorri. Abendualdi honetan urrats bat gehiago emongo dogu. 2. domeka honetan Profetearen irudia agertzen jaku indar handiz. Profetea, egunerokotasuna sakontasunez bizi dauana da. Hortixik egiten dauz bere iragarpenak eta deiak.

Bizi dogun izurrite aldi eta egoera kezkarri honetan, era askotako iragarpenak eta oihuak zabaltzen jakuzan aldiotan, ez ete doguz benetako profetak behar? Ez ete dogu benetako profeta izan behar? Lagundu deigula liturgia honek sakontasunean murgiltzen gaurko profeta izateko.

Sarrera abestia

Zatoz, Jauna! Hor gabilta gauez gau:
piztu guban fedearen sua.
Zatoz, Jauna! Argi ezazu mundu hau:
Etor bedi zure erreinua!

Zatoz, Jauna! Maitasunez gu bete:
jendeek elkar ezin hartu dute.
Zatoz, Jauna! Zuk bat egin mundua:
Etor bedi zure erreinua!

Damu-otoitza (*Beherago, Abenduko Koroia*)

Ziztu bizian bizi garanok ez daukagu sakontzeko astirik, ezin dogu sakontasunez bizi gure egunerokoa; ezin izan gein-tekez gaurko profeta. Jainkoaren errukiak zuzendu gaizala:

—Jesus Jauna, Aitagaz bat eginda bizi izan zinana, *erruki, Jauna*.

—Jesus Jauna, Barri On zaituguna, *Kristo, erruki*.

—Jesus Jauna, Barri On bihurtzen gaituzuna, *erruki, Jauna*.

Abenduko koroia (egiten ez bada, gorago *damu-otoitza*)

Bigarren kandela hau bizterakoan, Jauna, barri on izateko gure gogoa biztu daizula eskatzen deusugu; gure gizarte honek behar dauzan gaurko profetak sustatu daizuzala gure artean.

(2. kandlea bizten dan bitartean, abestu:)

J = 100 Abenduko koroia bedekintzean: Is 60,1 *Udaia 97*



Ja - gi zai - tez, Je - ru - sa - lem, ba - da - tor zu - re ar - gi - a;
hor do - zu ar - gi - tzen, su ta gar, Jau - na - ren ain - tza.
En - tzun, e - ne he - rri, zu - re - tza - ko do - dan hi -
E - ten lo - ka - rri - ak, ba - rri txa - rrak al - bo - ra -
tza: as - ka - tu - ko zai - tut, poz - tu - ko deu - tsut bi - ho - tza.
tuz, po - bre - tu guz - ti - ei zu - re bi - ho - tza za - bal - duz.

Itxaropenaren Jainkoak bere Semearen mahai ingurura ekarri gaitu. Egun baten aintzazko mahai ederrean alkartu gaizala, zorionaren betetasunean.

AMEN.

Is 40, 1-5.9-11

Profetearen eginkizuna, Jainkoaren pozetatik aldenitzen dan herria, haren pozetara bihurtuazotea da; herriaren atsekabeetan, Jainkoagandiko poza iragartea: itxaropena biztea.

Sal 84

Aurkitu daiguzan Jainkoagandiko gozotasunak. Ho-

rrexek lagunduko deusku larrialdian itxaropenez bizi izaten. Bat egin daigun otoizgiroan salmoagaz:

Abendualdiko 2. Domekea_A. Sal 071 *Udaia 16*



Zu - zen - ta - su - na ga - ra - tu - ko da ha - ren e - gu - ne - tan e - ta ba - ke - a u - ga - ri be - ti - e - re - an.

2P 3, 8-14

Uste guztiak ez dira egia bihurtzen. Amesak amets, Jaunaren agerpena ez dogu itxaron behar, geure barruan bilatu baino. Hortxe dogu Jauna.

Ebanjelioa (Mk 1, 1-8)

Jainkoaren argitasuna aurkitu gura badogu gure barruko zikinkeriak baino barrurago sartu behar dugu; haren agertzea eragozten dauan guztia kendu. Egin deiogun harrerea ebanjelioari Aleluia abestuz, zutunik.

ABENDUALDIRAKO Aleluia: Urratu eizue (G.J. 8/41)



R/ A - le - lu - - ia. A - le - lu - - ia. A - le - lu - - ia.
VI. Ur - ra - tu ei - zu - e bi - de - a Jau - na - ren - tza, zu - zen - du ha - ren bi - dex -
kak - e - ta i - ku - si - ko da - be guz - ti - ek Jaun - goi - ko - a - ren sal - ba - me - na.

Herri-otoitza

† Guzmendi honetan egiaren profetak behar ditugula autortuta, jo daigun eskarietara:

—Eleizearen alde: Izurrite aldi honetan sufritzen dagozanen ondoan egonez, Barri On suertatu daiten, bere itxaropenezko berbeaz, *eskatu deiogun Jaunari*.